



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Epistola Synodi Eivsdem Ad Sigibertvm Regem, vt Promoti causam non
defendat.

urn:nbn:de:hbz:466:1-15324

BENEDICTVS PARISIENSE IV. IUSTINVS IVNIOR IMP.
P. I. CHILPERICVS REX FR. 703

ANNO
CHRISTI
573.

EPISTOLA SYNODI EIVSDEM

A D S I G I B E R T V M R E G E M,

vt Promoti causam non defendat.

Domino glorioſſimo, atque sanctæ ecclesiæ catholicæ filio, Sigiberto regi, Sapaudus, Philippus, Priscus, Constitutus, Laban, Felix, item Felix, Germanus, Lucretius, Clementinus, Syagrius, Gallomagnus, Optatus, Salonius, item Salonius, Quinidus, Promotus, Silvester, Genesius, Polemius, Palladius, Victor, Sagittarius, Aunacharius, Hesychius, Claudianus, Desiderius, Heraclius, Tetradius, Pappolus, Licerius, & Leudobaudis, episcopi.

QVANTVM ineffabili gaudio synodali Concilio nuntiatur, quandoquidem a catholico principe res noua pro dilectione Christi concipitur; tantum lamentabile execrandumque censetur, cum in ecclesia sancta contra Deum, & contra Canonum disciplinam dissensio generatur. Nuper etenim non absque connuentia gloriae vestrae, sicut credimus, euocati Parisius venientes, nouam inauditamque ordinationem in castro Dunensi, parochia denique Carnotina, factam fuisse cognouimus. Quam rem licet vix credere possumus cum consensu gloriae vestrae fieri potuisse; tamen si cuiuscumque prava suggestione praeventi, in hac tam obsecna & ecclesiæ vniuersitatem contraria consensisti, ab huiusmodi scandali defensione sinceritatis vestrae conscientiam expietis: quia satius est, vt ille qui ambitionis instinctu rem tam nefariam dolosa ambitione competiit, per satisfactionem poenitentiae reatum suum abluere compellatur, quam vestra puritas (quod auertat diuinitas) huius facinoris contagione maculetur. Et quia nobis necesse fuit, vt iuxta Canonum constituta personæ temerariæ deberet presumptio coerceri; ideo salutis obsequium digno in Christo officiositatis & reverentiae cultu præbentes, poscimus, vt vos, quos Deus & culmine præcipuos, & sinceritate præclaros esse præcepit, non quocumque, aut quorumcumque temerario consilio ad defensanda huiusmodi scandala misceratis: quia Deum sufficit nosse, nos nequaquam penitus velle contra vos diuinam iracundiam promoueri. Annis

704 BENEDICTVS CONCILIVM IUSTINVS IVNOR IMPER.
P.I. CHILPERICVS REX FRANC.
multis gloriam regni vestri potentia diuina cum omni
felicitate conseruet, domne gloriosissime, & præcelen-
tissime domne.

ANNO
CHRISTI
575

S V B S C R I P T I O N E S.

Venerator vester Sapaudus episcopus salutare præsumo.
Humilis vester Philippus reuerenter audeo salutare.
Humilis vester Priscus reuerenter audeo salutare.
Humilis vester Constitutus reuerenter salutare præsumo.
Laban peccator salutare præsumo.
Humilis vester Felix audeo salutare.
Item Felix humilis vester audeo salutare.
Germanus peccator, proprius vester, et si præsumptiosus, audeo sa-
lutare, & supplico, vt non despicias suggestionem sacerdotum.
Lucretius venerator vester humiliter saluto.
Clementinus venerator vester humiliter saluto.
Syagrius humilis vester reuerenter salutare præsumo.
Gallomagnus humilis vester reuerenter salutare præsumo.
Optatus humilis vester reuerenter saluto.
Salonius vester reuerenter saluto.
Item Salonius humilis vester debita reuerentia salutare præsumo.
Quinidius humilis vester saluto.
Promotus humilis vester seruienter saluto.
Silvester humilis vester reuerenter saluto.
Genesius humilis vester reuerenter saluto.
Polemius peccator, & humilis vester, reuerenter saluto.
Palladius peccator reuerenter saluto.
Victor peccator reuerenter salutare præsumo.
Sagittarius humilis vester reuerenter saluto.
Aunacharius humilis vester reuerenter saluto.
Hesychius cliens & humilis vester reuerenter audeo salutare.
Claudianus episcopus humilis vester salutare præsumo.
Desiderius episcopus humilis vester salutare præsumo.
Pappolus humilis vester salutare præsumo.
Heraclius peccator humilis vester salutare præsumo.
Tetradius peccator reuerenter salutare præsumo.
Licerius peccator reuerenter saluto.
Leudobaudis peccator subscripti.

Data epistola sub die III. Iduum Septembrium, anno
XII. regum domnorum nostrorum, Parisius.

N O T Æ I A C O B I S I R M O N D I S O C I E TAT I S I E S V.

¹ Concilium Parisense.] Id ipsum videtur, cuius a Gregorio Tu-
ronensi lib. 4. cap. 41. fit mentio his verbis: *Cum autem, inquit,*
con-